



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 412
fax. +387 33 726 414
e – mail: info@voda.ba

Broj: **UP-1/21-3-40-077-5/22**

Datum: **25.03.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica „Energopetrol“ d.d. Sarajevo za donošenje rješenja o vodnoj dozvoli za ispuštanje oborinskih onečišćenih voda sa lokacije benzinske stanice sa pratećim sadržajima, izgrađene u ulici Tuzlanska 1, općina Olovo, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi:

RJEŠENJE **o vodnoj dozvoli**

1. Pravnom licu „Energopetrol“ d.d. Sarajevo, daje se vodna dozvola za ispuštanje oborinskih onečišćenih voda sa lokacije benzinske stanice sa pratećim sadržajima, izgrađene u ulici Tuzlanska 1, općina Olovo, na zemljištu označenom kao k.č. broj: 603 K.O. Olovo, općina Olovo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih radležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice „Energopetrol“ d.d. Sarajevo obezbijedi da se sistem za prikupljanje, prečišćavanje i ispuštanje otpadnih voda kao i objekti izgrađeni u sklopu benzinske stanice u ulici Tuzlanska 1, u Olovu, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se u toku važenja ovog Rješenja izvrši sanacija sistema za kontrolisano prikupljanje, prečišćavanje i ispuštanje oborinskih onečišćenih voda (sanacija platoa istakališta, ugradnja slivničkih kanalisa i sl.) i izgradi okno za monitoring nakon separatora, a prije ispusta u recipijent.
 - 3.3. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda (separator, slivnici, rešetke, kanalizaciona mreža, odvodni kanali), redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.4. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetne benzinske stanice može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.5. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet oborinskih onečišćenih voda, prije ispuštanja u recipijent, zadovoljio granične vrijednosti u skladu sa članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring (na ispustu sa separatora) u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.7. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 3.8. Skladištenje i pretakanje nafte i naftnih derivata vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
- 3.9. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.11. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.12. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.13. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima u sklopu predmetne benzinske stanice obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) Zakona o vodama se daje sa rokom važenja od 3 (tri) godina, od dana pravosnažnosti ovog rješenja.
9. Prije isteka važnosti ove vodne dozvole, Investitor je dužan da podnese zahtjev za izdavanje nove vodne dozvole.
10. Ova vodna dozvola može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice „Energopetrol“ d.d. Sarajevo, zahtjevom broj: 013/40005531/16-02-22-535 zaprimljenim 21.02.2022. godine se obratilo ovoj Agenciji za donošenje rješenja o vodnoj dozvoli za ispuštanje oborinskih onečišćenih voda sa lokacije benzinske stanice sa pratećim sadržajima, izgrađene u ulici Tuzlanska 1, u Olovu, na zemljištu označenom kao k.č. broj: 603, K.O. Olovo, općina Olovo.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Kopija Rješenja o izmjenama podataka u sudski registar Općinskog suda u Sarajevu, broj: 065-0-Reg-21-003840 dana 27.10.2021. godine;

- Kopija Uvjerenja o poreznoj registraciji poreznog obveznika donesenog od strane Porezne uprave - Kantonalni porezni ured Sarajevo dana 09.01.2019. godine;
- Rješenje o upotrebnoj dozvoli broj: 04/IV-273 od 20.01.1964. godine izdatog od Odjeljenja za privredu Skupštine opštine Olovo-kopija;
- Rješenje o vodnoj dozvoli broj UP-I/25-3-40-675-6/18 od 25.03.2019. godine izdato od strane Agencije za vodno područje rijeke Save, Sarajevo (kopija);
- Rješenje o okolinskoj dozvoli za totalnu rekonstrukciju postojećeg objekta broj: 12-23-8606/16 od 19.12.2016. godine izdato od strane Ministarstva za prostorno uređenje, promet i komunikacije i zaštitu okoline, Zeničko-dobojskog kantona (kopija);
- Ugovor za usluge čišćenja separatora i bioloških prečištača, sklopljen 05.08.2019. godine sa „DELTA PETROL“ d.o.o. Kakanj;
- Izvještaj o monitoringu kvaliteta i kvantiteta otpadnih voda, mart 2021. godine, urađen od strane „Inspekt - RGH“ d.o.o. Sarajevo;
- „Projekat izvedenog stanja - hidrotehničke instalacije benzinske pumpe Olovo“ broj: VIK 10-10/15, oktobar 2015 godine, urađen od strane „INPROS“ d.o.o. Mostar;
- Kopija radnog zapisnika o čišćenju separatora broj: 11-07-21 od 17.07.2021. godine, „DELTA PETROL“ d.o.o. Kakanj;
- Dinamički plan rekonstrukcije benzinske stanice Olovo (u periodu od 31.01.2024. do 31.12.2024. godine);
- Dokaz o uplaćenju administrativnoj taksi u iznosu od 70KM i markice federalne upravne takse u iznosu od 3KM.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19 i 41/20), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-077-2/22 od 04.03.2022. godine.

Na osnovu pregleda projektne dokumentacije i izvršenog uviđaja na predmetnoj lokaciji utvrđeno je slijedeće:

Predmetna benzinska stanica sa pratećim sadržajima smještena uz magistralni put M 18 Sarajevo -Tuzla, u ulici Tuzlanska 1, općina Olovo, na zemljištu označenom kao k.č. broj: 603 K.O. Olovo, općina Olovo.

U sklopu benzinske stanice sa poslovnom zgradom nalaze se slijedeći sadržaji: kancelarijski prostor, prodavnica sa naplatom goriva, toalet, automati za istakanje goriva sa nadstrešnicom, jednoplašni rezervoari za smještaj nafte i naftnih derivata, skladište plinskih boca, trokomorni betonski separator ulja i naftnih derivata, manipulativne površine i parking prostor.

Oborinske onečišćene vode koje mogu biti zagađene naftom i naftnim derivatima sa površina gdje se vrši pretakanje goriva u rezervoare kao i sa manipulativnih površina se prikupljaju putem slivnika, te kanalizacionim cijevima odvođe u trokomorni betonski separator ulja i naftnih derivata. Prečišćena voda iz separatora se ispušta u lokalni kolektor sa ispustom u rijeku Stupčanicu. Dio oborinskih onečišćenih voda sa saobraćajnih površina se prikuplja putem slivnika i direktno odvodi u lokalni kolektor sa ispustom u rijeku Stupčanicu.

Smještaj goriva se vrši u ukopane jednoplašne rezervoare ukupnog kapaciteta 92 m³ (2x22, 33, 10 i 5 m³) od kojih rezervoar od 33 i 5 m³ nisu u funkciji.

Podnosilac zahtjeva je izradio projektnu dokumentaciju za rekonstrukciju predmetne benzinske stanice i podnio zahtjev za prethodnu vodnu saglasnost (UP-1/21-1-40-601-1/21 od 21.12.2021. godine).

Prema aktu dostavljenom uz zahtjev za izdavanje vodne dozvole utvrđeno je da je rekonstrukcija predmetne benzinske stanice planirana u toku 2024. godine.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 14., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva, „Energopetrol“ d.d. Sarajevo za P.J. Olovo, ispunio minimum uslova za izdavanje vodne dozvole za ispuštanje oborinskih onečišćenih voda sa predmetne lokacije, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Voditelj postupka

Nihad Pezo, dipl.inž.građ.

Prilog:

- Projekat izvedenog stanja - hidrotehničke instalacije benzinske pumpe Olovo, broj: VIK 10-10/15, oktobar 2015. godine, urađen od strane „INPROS“ d.d. Mostar;
- Markice federalne upravne takse u iznosu od 3,0 KM.

**Po ovlaštenju
Rukovodilac sektora za izdavanje
vodnih akata**


Haris Ališehović, dipl.inž.građ.

Dostaviti:

- „ENERGOPETROL“ d.d. Sarajevo, Azize Šaćirbegović 4b, 71000 Sarajevo (Prilog)
- AVP Sava, ISV – Vodna knjiga
- Sektor 50
- Sektor 40, arhiva
- AVP Sava - Oglasna ploča